


清會典 四十二

戸部十九二十



漢書
九〇八號

漢書門			
九〇八	一三二	一〇	一六〇
號	函	架	冊
類			

內閣文庫			
漢書	九〇八	一三二	一〇
類	號	冊	函

內閣文庫			
番號	漢	908	
冊數	160 (23)		
函號	295	10	



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



大清會典卷之四十一


戶部

漕運二

限單

由單串票附。

總漕置造全單。每年派某衛所幫官丁船隻應運糧數。赴某府州縣領兌。以糧艘到日為始。限日支領月糧。空船赴次開兌。重船過閘。過壩。到淮。計程酌扣。守風阻淺。叅謁較斛等期。逐一定限填單。每幫分給一紙。運官及監兌官。查照款目。各於前件項下開註有無違限。并官吏姓名。用有司監兌印。鈐記。到淮日



查算。如違程限。或罪在有司。或罪在領運官丁。照數叅究責懲。仍編幫改限。嚴責如期入閘抵灣。起糧完日。全單繳送。照例查比獎薦。叅罰。總漕派發全單後。卽取造軍衛有司額漕數目報部。

順治十七年。覆准。總漕發單。給與糧道。開明某衛船若干隻。兌州縣米若干石。糧道頒發號單。每單兌米一百石。并贈耗數目。分頒各州縣。每交完一單。令運官填註收數。一船兌足。卽出給水程。勒令開幫。又頒發各屬每倉號簿。開列丁

船。兌足。註明。如逾期不完。監兌官據簿責比。○康熙元年。覆准。總漕各撫。嚴飭各屬。必遵照全單依式填註。如違悞不填。及填註不實者。在南聽總漕。在北聽倉場。察核叅處。○八年。覆准。運弁領運全單。不填註支領糧銀月日者。照疎忽之例議處。○九年。覆准。隨漕贈費銀米。刊列易知由單。不得額外私派。○二十七年。定。停止由單。○二十九年。覆准。漕項錢糧。設立易知小單。照款支給。如有官役扣剋需索。許本丁據實卽於單內。開明官役姓名。扣剋情由。於過淮時陳

大清會典 卷四十一
二
控。審實題叅治罪。○四十三年。題准。錢糧一經
恩赦。有司卽將百姓所完。儘作赦免之地丁入已。其
未完者。皆爲不赦之漕項。復行徵收。著將各圖
甲花戶註定地丁若干。漕項若干。分給串票。自
康熙四十三年爲始。○五十二年。覆准。漕船過
閘。務按漕規啓閉。均於單內註明。在八月內照
數抵通。○又題准。丁船受兌開幫。巡撫給以限
單。填明該船開行日期。飭令沿河州縣挨註入
境出境時日。抵淮盤驗。卽將驗單呈繳總漕察
核。總漕盤糧之後。開行北上。亦給以驗單。將經

過州縣界址。照原定限日刊入單內。飭令沿河
州縣註明入境出境日期。俟船糧抵通。卽將限
單申繳倉場察驗。如有在淮揚。以至蘇松南河
遲延者。巡撫查取督催不力文武各官。同押運
領運官弁職名題叅。巡撫亦聽總漕叅處。其有
在淮安。以至天津北河遲延者。總漕倉場行文
該撫查取專催督催不力各官弁。并領運押運
官弁題叅。

官在該處
 其應運漕米州縣各將倉貯乾圓潔淨樣米四
 升裝盛二袋用印鈐封同兌米交付運官解
 送倉督查核轉發坐糧廳及各倉比對米色
 驗收如有違玩不送者叅處
 康熙二十五年定漕糧兌運起交例照各省米
 樣不許混交至掛欠米石追完補運與本幫原
 欠米色不合者將過淮不行駁換之總漕及督
 催承追各官并採買搭運之員一并題叅查議
 其運到米石若行發回必致苦累旗丁應照數

樣米

應運漕米州縣各將倉貯乾圓潔淨樣米四
 升裝盛二袋用印鈐封同兌米交付運官解
 送倉督查核轉發坐糧廳及各倉比對米色
 驗收如有違玩不送者叅處
 康熙二十五年定漕糧兌運起交例照各省米
 樣不許混交至掛欠米石追完補運與本幫原
 欠米色不合者將過淮不行駁換之總漕及督
 催承追各官并採買搭運之員一并題叅查議
 其運到米石若行發回必致苦累旗丁應照數

大清會典 卷四十一
四
查收。○二十九年。題准。河南米石。無論黃白。運送乾圓潔淨好米。如有抑勒不收等弊。該撫嚴查題叅。○又覆准。州縣如有指稱呈送樣米科派等弊。該督撫卽行指名題叅。○三十九年。覆准。嗣後如有米色不齊。令於漕糧未運之先。預行題明。○五十四年。覆准。嗣後州縣樣米。照常呈送。該糧道親驗。將每船各兌米一石。裝於布袋。鈐印加封。仍放原艙。到淮之日。總漕對驗加封。抵通時。倉場帶領坐糧廳對驗起卸。如有攙和糠粃等弊。將弁丁照例處分。○雍正五年。覆

准。糧艘過淮。俱經盤驗米色潔淨。如到通仍不純者。由奸丁攙和所致。令倉場總督將押運官題叅。交部議處。○又覆准。江南淮安等衛到淮之船。米色潮濕霉變。其虧折之米。運弁出具米色結狀者。著落該幫旗丁賠補。未出結狀者。縣幫各半均賠。

水次交兌

每年漕糧。經徽州縣。限十月開倉。十二月兌完。

順治六年。覆准。州縣開兌之時。監兌官逐一驗明實米足額交兌。官丁不許私折顆粒。兌完。即將各幫糧數。備造清冊。交付糧道。照數驗實。督押至淮。盤驗明白。付押運官嚴加防範巡察。不得聽其停泊作奸。○七年。覆准。兌米入船。即將米數開明。懸於倉口。聽糧道不時查驗。以杜盜賣。○九年。題准。官收官兌。軍民兩不相見。止令

大清會典 卷四十一
監兌官與運官公平交兌。兌完一船。立刻開行。
○十二年。議准。經徽州。縣。衛。所。各官。或船到無
米。或有米無船。開行過十二月者。各罰俸半年。
過正月者。各罰俸一年。過二月者。各降二級留
任。○又覆准。江南。湖廣。協運。江西。漕船。定限十
月內赴水次。如船到無米。責在江西撫道。如船
不到次。責在江南。湖廣。撫道。俱令總漕題叅。○
十三年。覆准。水次折乾。罪在經徵有司。并監兌
官。如過淮盤驗短少。將監兌官照糧道考成則
例一體叅罰。其嚴禁盜賣。責令沿河各官具結

呈報。如糧船到通掛欠。審係某地方盜賣者。卽
將某地方官叅處賠補。○十四年。覆准。截販配
船。儘一厥米派兌一丁。如有畸零米石。方准湊
兌別船。○康熙二年。覆准。運船一到水次。有積
年牙儉。關說旗丁。引裝客貨。令於交兌之初。專
責糧道。曉諭商牙。禁約旗丁。不許夾帶私貨。輕
上糧船。漕糧兌畢未開之先。專責監兌各官逐
船搜檢。如有犯者。拏解糧道。呈報總漕題叅。照
律治罪。事畢。糧道取監兌官已經查過並無夾
帶賣法認罪甘結。送總漕。總河。倉場。三處。以備

稽考。後經盤詰衙門查出私貨。將糧道監兌各官一并題叅。○十七年定。裁山東運米脚價。令民間赴水次交倉。○二十三年。

恩詔。將山東運米脚價復給。○三十四年。

諭。江西所屬州縣。多處山陬。百姓自願貼費。將漕米運至水次。著聽民貼運。從前已經支給者。俱免追賠。○三十五年。覆准。河南漕糧。原在衛輝兌運。因路遠河淺。改於小灘受兌。支給盤剝銀兩。今小灘採買數多。商牙勒索增價。本地之米。反致壅積。仍改於衛輝水次兌運。○三十七年。覆准。河南

漕米。自衛輝府運送。山河崎嶇。仍改小灘兌運。

○三十八年。覆准。仍復衛輝水次兌運。○四十

九年。覆准。嗣後漕糧在水次交兌上船之時。糧

道監兌官。務必眼同照數兌足上船。抵淮時。總

漕親身嚴行盤查。過淮後。沿河文武各官。嚴行

速催出境。毋致盜賣。如不嚴催出境。致有弁丁

盜賣情弊。將該地方各官。交與該部嚴加議處。

○五十年。覆准。州縣水次兌米。令糧道親歷稽

查。務須正耗米如數兌足。如有折乾情弊。將州

縣運官。照私自改折例革職。米石。照數追賠。監

大清會典 卷四十一
兌官降二級調用。糧道降二級留任。○又覆准。漕糧須糧道同監兌官親督到淮。一有短少。卽行審明題叅。留旗丁兄弟子姪一人。交與監兌官購買趕幫交足。押運官出具甘結呈報。如押運官捏具印結。以通同情弊治罪。○五十一年。議准。監兌官務令坐守水次。將正耗行月搭運等米。逐船兌足。親押到淮盤驗。○五十八年。覆准。開歸等五府一州。離水次道遠。定爲折徵。交官採買。於衛輝交兌。河北之彰德。衛輝。懷慶。三府。及陽武。原武。封邱。三縣。與水次相近。改收本

色。亦於衛輝交兌。○雍正元年。議准。嗣後該督飭令各幫。務於冬兌冬開。如州縣衛所等官。船到無米。有米無船。以致開兌遲延。照例處分。該管上司狗庇。不行查察。以致悞漕。該督撫指名題叅。○又

諭。朕自臨御以來。勤求民瘼。事無鉅細。必延訪體察。務期利民。而於徵收錢糧。尤爲留意。惟恐閭閻滋擾。此念時切於懷。如江西省產漕各州縣。運糧到省。又自省倉搬上軍船。故有脚耗扒夫修倉鋪墊等項。編載全書。歷來支給已久。自康熙二十三年。

部中誤駁。不准支給。行令追還。嗣後一例駁追。究無完解。至三十四年。

聖祖仁皇帝特頒諭旨。將從前已經支給者俱免追賠。恩至渥也。至康熙三十八年。部議又以脚耗與扒夫等項分晰未清。仍令扣追。不知脚耗乃貼運之總名。扒夫等項乃支給之細數。其實一事。非兩項也。自康熙三十八年。至今已二十餘年。應追銀五十一萬餘兩。米六十一萬餘石。積累既多。究無完解。追比日久。官民俱受其累。朕知之甚悉。著將從前積欠。盡免追賠。嗣後准其支給。以副朕加惠黎

元體卹有司之意。○二年。覆准。湖南向例七月開徵。及運赴岳州水次。每多遲至正月以後。嗣後務於十一月內運貯岳倉。如遲至十二月中旬到者。照過十二月兌開例議處。過十二月到者。照過二月兌開例議處。如州縣漕米。運軍船隻。俱到水次。監兌領運。廳弁交兌稽遲。致過十二月者。亦卽照過二月兌開例議處。如能依限過淮。該督撫據實題明開復。○又覆准。開歸等處辦買漕米十五萬餘石。查衛輝至小灘。經濟滑內黃大名四縣。今分地分船。米多之地。多撥受

兌船隻。米少之地。少撥受兌船隻。各衛幫船。到所撥之處交兌。○又覆准。令總漕嚴飭監兌官。驗明實米足額。眼同州縣官交兌軍船。如有專覓巧手做斛飛色走盪等弊。卽行嚴挈治罪。如旗丁不肯受兌。額外勒索。亦將旗丁嚴挈治罪。監兌領押等官。徇縱者。總漕題叅交部議處。○五年。覆准。漕運船隻。無論土著。協運。皆就向年原兌府屬。止調本府各邑水次。定以三年一調。杜其久戀情熟盜賣鑽營之弊。

程限

江北各州縣漕糧。限十二月過淮。江寧蘇松等府。限正月內過淮。浙江。江西。湖廣。限二月內過淮。山東。河南。限正月內全數開幫。又江北。限四月初一日到通。江南。限五月初一日到通。浙江。江西。湖廣。限六月初一日到通。山東。河南。限三月初一日到通。

順治十二年。議准。過淮違限一月以上。督撫罰俸三個月。糧道。監兌官。罰俸六個月。違限二月者。督撫罰俸六個月。糧道。監兌官。罰俸一年。遲

至三月以上。督撫任俸。帶罪督催。俟糧船抵通。交明開復。糧道等官。降一級調用。領運官。如兌糧及期。過淮違限十日者。總漕嚴拏。細打二十。違限一月者。細打四十。革職。帶罪督催。俟全完開復。若過淮及時。抵通遲悞者。河漕二督。及沿河大小文武各官。亦照督撫遲悞過淮例處分。○十三年。覆准。漕糧到通。違限一二月者。領運官。罰俸半年。三四月者。罰俸一年。五六月者。降職一級。外委者。倉督分別違限日期。責治。部推千總。無級可降。兵部酌量議處。○十四年。覆准。

重運過淮。前後幫船。互相輓運。水火不測。互相策應。坐視不救。一併議處。○又覆准。令糧道遵行伍長保甲之法。糧船魚貫聯絡。遇淺過溜。五船各相援助。併力牽挽。折乾盜賣。亦互相覺察。○十七年。覆准。運官白糧由閘。雖皆全完。如過淮違限者。不准議敘。○又覆准。押運廳官過淮。抵通違限者。照糧道例處分。○康熙元年。覆准。漕糧過淮後。總漕將各幫盤足米數。過淮日期。及押運廳官職名。預咨倉督。及巡倉御史。查考。其廳官押運抵通後。將過淮以北路程。入境出

大清會典 卷四十一
三
境。某官催趲。計日揭送倉督。及巡倉。其天津南
北沿河道官。五日揭送倉督。互相磨對。如有時
日不符。停泊盜賣。以致欠糧者。按地指名叅究。
○十年。題准。黃河決口。漕船阻淺。於原限外寬
限一月過淮。○又覆准。蘇松等府。採買秬米。往
返需時。并鎮江回空漕船凍阻。再寬限一月過
淮。○十四年。題准。浙江回空運船。裝送大兵。并
載柳交卸。不能依限到次。准寬限一月過淮。○
又題准。蘇松等府。收穫時陰雨愆期。回空裝柳。
到次遲滯。准寬限一月兌行過淮。○十七年。議

准。重運赴北。務在限內驅令出境。如限半日而
違限一時。以至限十二日而違限兩日者。專催
官。罰俸一年。督催官。罰俸半年。如限半日而違
限三時。以至原限十二日而違限四日者。專催
官。降一級調用。督催官。罰俸一年。違限之期與
限期相等者。專催官。降二級調用。督催官。降一
級調用。如違限逾於限期者。專催官。革職。督催
官。降二級調用。押運之官。自受兌以至交倉。曾
於一二處逾限者。罰俸半年。三四處者。罰俸一
年。五六處者。降一級調用。七八處者。降二級調

用十處以上革職。其回空漕船違限。沿河文武。并隨幫官。俱照此議處。隨幫百總旗頭。曾逾限一次者。笞五十二次。杖六十。三次。杖七十。逾限多者。每一次遞加一等。罪止杖一百。徒三年。該督應叅不叅。照催糧違限官例。一同議處。○二十年。覆准。漕糧關係重大。恐回京大兵。爭先放開。嗣後兵船隨漕船起放。毋致悞運。○二十一年。

諭。漕糧關係國儲。理應早登倉庾。向因經管各官。及旗丁人等。怠玩遷延。每致遲悞。故嚴定處分之例。以警

積玩。但定例過嚴。期限迫促。經管文武大小各官。及旗丁人等。不無苦累。戶部會同吏兵二部。將見行之例。再加詳酌。定議務期不悞漕運。不病官民。寬嚴適中。永可遵守。以副朕軫恤之至意。遵

旨議定。將十七年議行例停止。仍照舊例遵行。○三十

四年。覆准。嗣後漕白二糧。令漕臣將過淮船糧數目造冊。繕摺進呈。○三十五年。覆准。豫省輝安。河內。三縣。農務在於每年三四月。漕船全數抵臨之期。在於五月。應於五月初一日為始。封板塞渠。如該管官員。陽奉陰違。不封板塞渠。以

致漕船阻滯者。將經管官降一級調用。該管官罰俸一年。該撫不行查叅。罰俸六個月。○四十年。議准。漕船各幫兌竣開行。時值隆冬。嚴寒水涸。以致過淮違限。歷受叅處。今各展限一月。江北。例於十二月過淮。今改正月內過淮。江南。例於正月過淮。今改二月內過淮。江西。浙江。湖廣。例於二月過淮。今改三月內過淮。若過淮遲延。違限一月以上者。比舊例加倍處分。將督撫罰俸六個月。糧道。監兌官。罰俸一年。違限二月。督撫。罰俸一年。糧道。監兌官。降一級。遲至三月。

以上者。督撫。俱降一級。帶罪督催。俟糧船抵通。交明開復。糧道。監兌等官。各降二級調用。仍嚴催照依定限抵通。於三月內完糧。如違限。將押運。領運。各官。比舊例加倍處分。違限不及一月者。罰俸六個月。一月以上者。罰俸一年。二月以上者。降一級。三月以上者。降一級調用。○五十年。議准。過淮違限一二月者。仍照舊例處分。外。其違限二月以上。或七十日者。該督撫俱降一級。帶罪督催。俟糧船抵通。交明開復。糧道。監兌等官。降二級調用。違限八九十日。督撫俱降

二級留任。糧道監兌等官降三級調用。○五十二年題准。江南糧船回空到次。糧道督令星夜修理完竣。於歲內兌開。依舊限。正月過淮。如逾限。該撫將遲延兌開之州縣運弁彙入題報開幫疏內叅處。如該撫督催不力。聽漕臣於過淮案內列叅。○五十四年議准。每年漕船至臨清德州等處。河水淺阻。耽延時日。嗣後交與山東巡撫揀派所屬司道官員。自濟寧隨押督催。遇淺照例刨挖。催出山東地界。將出界日期奏報。如催趲不力。以致遲悞。照例題叅。○五十七年。

覆准。淮限一寬。弁丁不無稽延。江廣浙省幫船。仍照原限。二月以內過淮。江北糧船。照舊例。十一月以內過淮。江南漕船。仍照原題。正月以內過淮。如有過淮違限者。仍照舊例處分。停其加倍處分。○雍正元年。

諭。糧運關係國儲。必須進行無阻。始得及早抵通。自揚州至通州。河道多有淤淺。糧船起剝。每至耽延。以至回空凍阻。并悞新漕。著該督嚴飭坐糧廳。查看河道有淤淺處。作速挑濬深通。毋使阻滯。并知會天津總兵官。用心催趕。且天津一帶地方。向有

販賣私鹽等弊。糧船不許停泊。火速趲行。直抵通州。至抵通後。速行起卸交倉。毋得需索勒措。苦累軍丁。朕去年親自閱倉。知漕糧過壩。一晝夜可五萬袋。可見交卸甚易。倉場總督等加意督催。務使空船早得回南。新漕亦可毋悞。漕運一事。朕親身閱歷。纖悉洞知。倘不盡心料理。或因勒索。致有遲延。責無所諉。○二年。

諭。糧艘關係甚重。務須及時抵通。豫省向因漕米截留。並不留心河道。漸致淤淺。今糧船逾限未至。此係地方官責任。必須刨挖深通。使舟行無阻。早到

早回。不悞抵次。再南糧大米帮船。亦爲遲滯。至今未過臨清。河南。山東。巡撫。并沿河鎮道等官。皆有催趲之責。當協力趲行。務令速得抵通。將來回空之船。方不致悞冬兌。○三年。

諭。入三月來。山東雨澤稍缺。恐運河淺涸。糧艘北來。不免阻滯。目今京師雨澤霑足。若山東一帶。亦得如此雨澤。河水自可暢流。總漕。總河。直隸總督。山東巡撫。可卽星速轉飭沿河文武官弁。協力催趲漕船。勿致留滯生事。今年有新換水手之糧船。倘借稱新充。不能撐駕。希圖延挨時日。該管官查明。

卽嚴拏治罪。並將押運官員題叅。毋得隱縱。

完糧期限

各省漕船到通後。俱限三個月內完糧。

順治十三年。覆准。官丁完糧完呈。專任坐糧廳。并各倉監督印發。如有以欠作完者。罪坐出給官。○康熙八年。題准。各衛所糧船凍阻天津。漕糧收受進倉。非本年內全完。至隔年始行運完。其押運通判。并糧道等官。不准議敘。○十一年。覆准。完糧在原限三月之外。違限不及一月者。領運官。罰俸三個月。一月以上者。罰俸六個月。二月以上者。罰俸一年。三月以上者。降一級留

任。○三十九年。覆准。各省糧船。於各限內運到石壩。土壩。以運到之日為始。限十日內起完。將空船照例發回。如逾限守凍。將坐糧廳監督等革職。

優恤運丁

軍丁輓運。優恤歲有常額。額內或裁或減。額外賞給借給。哀多益寡。因時制宜。

順治十年。覆准。江南隨漕耗贈。每百石。加銀五兩。米五石。久經遵行。不得額外多索。○又覆准。清查贍軍田地。歸給原丁。以便出運。不許衛豪侵占。其班軍操軍既裁。額徵班操田糧。量貼運軍。其任城衛。並無贍軍地畝。每船給贍軍銀十兩。在屯糧內撥給。○十二年。覆准。浙江漕兌正米。每百石。加篩揚濕潤米九石八斗。盤運銀二

十兩。名爲截留。其耗米內起運二斗五升。亦照正米例徵截。其餘耗米。不得溷徵。○又覆准。簞夫。葦把。紙劄。羨餘。小封。并防欠水脚。行糧。月糧。八項。向係扣留抵銷漕欠。今定水脚。行。月。及。剝。船。小。封。俱。令。全。給。其。完。糧。運。官。簞。夫。葦。把。紙。劄。羨。餘。錢。糧。查。明。剋。期。給。發。以。勵。勞。弁。○十三年。覆准。稽核運官完欠。分別應給應扣。在南總漕核算。在北倉督會同巡倉。各造冊具題。○又覆准。浙江運丁。按屯田畝數。配給領運船隻。至無運衛所。及無屯田。不願領運者。不得妄行僉派。

○十四年。覆准。應給運丁簞羨等銀。務查本丁上年全完無欠。方准給發。別幫別丁不得溷冒。○十五年。覆准。扣留簞羨等銀。照餘米例。查抵舊欠。以三年爲止。仍有餘銀。照數給還。以勵完糧。○又覆准。蘇。松。常。鎮。四。府。於。漕。米。每。百。石。加。贈。銀。五。兩。米。五。石。外。再。加。銀。五。兩。○十七年。覆准。簞羨銀兩。務期運官親到。查明糧米完欠。應給者。唱名給散本人。不得給以空照。如有買照代領情弊。卽指名題叅。○康熙三年。覆准。交倉餘米。如該幫有欠。扣留十分之七。以抵掛欠。如

該幫全完。照數給還。○四年。覆准。九江衛額造漕船。將通衛屯田。照股分授軍丁領造。按年挨序僉派。○九年。覆准。各省隨漕截費銀米。刊列由單。漕糧項下徵給。○又覆准。湖廣復行起運。仍照全書。每石。贈米二斗。○十年。覆准。湖廣運軍。止給行月。不淮給安家贍田。○又覆准。江寧等府起運耗米。與正糧一體貼贈。○又覆准。浙江漕米。每百石。徵貼截銀三十四兩七錢。○十五年。定。舊例羨餘。除掛欠外。照抵通船算。浙江。江西。湖廣。每船。給銀四兩。江南。每船。給銀二兩。

山東。河南。每船。給銀一兩。今將浙江。江西。湖廣。每船裁減二兩。江南。裁減一兩。以充兵餉。舊例。簷夫。除抵欠外。照石土二壩起米算。每米一石。給銀一分。今裁減五釐。紙劄。定例。照衛所分算。每幫。給銀二兩。今令全裁。○十七年。定。將蘇。松。等四府加贈五兩。裁減。○二十年。

諭。積貯爲國家大計。歲運漕米。充實京倉。最爲緊要。旗

丁人等。輓運勤勞。宜加存恤。朕頃巡行近畿。至通惠河一帶。見南來漕艘。旗甲人丁。資用艱難。生計窘迫。深爲可憫。若不預爲籌畫。恐有苦累難支。以致沿途

遲滯。貽悞倉儲。所關非細。前以軍需浩繁。漕運額設錢糧。節行裁減。今作何酌復欸項。詳議具奏。遵

旨議定。將耗贈銀米。照舊支給。浙江所裁贈銀八兩。亦行復給。○又議准。各省每幫。仍給紙劄銀二兩。江南。浙江。江西。湖廣。每石。給簞夫銀一分。江南。每船。仍給羨餘銀二兩。浙江。江西。湖廣。每船。仍給羨餘銀四兩。其漕贈。蘇。松。等府。每百石。給銀十兩。米五石。浙江。每百石。給銀二十兩。江西。每百石。給銀三兩。米十六石。湖廣。每百石。給米二十石。山東。河南。每百石。給銀五兩。米五石。○又

本年漕船凍阻。奉

旨。旗丁俱係南方貧苦之人。難受北地寒冷。甚屬可憫。作何不致凍餒之處。著戶部議奏。遵

旨議定。將通濟庫銀兩借給。仍令總漕將應給漕贈銀兩。照數扣解補還原項。○又定。江。蘇。各府耗米。俱不准給贈。○二十四年。覆准。隨漕贈截銀兩。免解道庫。竟令州縣給發。○二十六年。覆准。漕運抵通起米無欠。定例。坐糧廳給發簞羨等項銀兩。今太平等幫船。截留西運。涉黃河之險。更甚於運河。各丁不能遠赴通州。應於漕項下就

大清會典 卷四十一
近支給。○又覆准。湖北截留漕米十萬石。漕船業已開行。以原船原米轉運荊州。其行月銀兩。免其追還。○三十一年。覆准。將漕截銀停其支給。○三十五年。題准。江淮興武二衛漕船。凍阻不能回南。動支通濟庫銀兩。每船給銀二十兩。速催回次。仍令總漕於漕贈銀內扣解還項。○三十六年。題准。各幫完糧之丁。餘剩米石。扣抵該幫別丁舊欠。則運官旗丁。將餘米沿途花費。亦未可定。嗣後仍照舊例。該丁如有舊欠。准其扣抵。若無舊欠。給發本丁。○四十四年。覆准。浙

省漕糧。每石。給漕截銀三錢四分七釐。原係里民津貼旗丁。以資長途運費。自康熙四十三年為始。無分正耗。照例一槩支給。○又覆准。江南運丁。向例。每石。給米五升。銀五分。仍照舊給與。○四十六年。

諭。朕屢次視河南巡。凡所過地方。遇有各省漕船。務加詢問。備悉其長途輸輓之事。看其每船額糧數百石。全責成於旗丁。旗丁重運。遠涉江河。經行數千里。方始抵通。身家性命攸關。其責更鉅。且又交兌入倉。設有糧數欠少。則處分追賠。定例甚嚴。既有示懲。處分

大清會典 卷四十一
三
之例。則不可無勸賞之典。今如各營兵丁內有人材壯健。勉力報効。拔補將領者甚多。旗丁中有歷運四五十一年者。累歲積勞奉公。若不定議敘之例。則希榮無階。衆丁何所鼓勵。嗣後凡有領運照數全完者。應行總漕獎賞。若於額定糧數之外。有多交者。計其米數。并領運次數。議敘授以職銜。庶各幫運丁。皆踴躍自効。而不肖之徒。侵蝕虧損之弊。可以漸止。此朕破格優恤旗丁。裨益漕務之至意。遵

旨議定。嗣後各省領運旗丁。限內過淮抵通。照數全完者。令總漕賞給花紅。如抵通交糧。於額糧之外。

有領運三年。陸續多交米。至一百石者。倉場咨部註冊。運六年。多交米。至二百石者。給以九品頂帶榮身。如有旗丁運米二十年。雖無多交米石。並無掛欠。及過犯事故。倉場查明咨部。亦給與九品頂帶榮身。○五十年。題准。江西副米。停其支給。○五十一年。覆准。江西仍照舊例支給副米一斗三升。從前已給之副米。免其扣追。○六十一年十一月。覆准。漕船回空凍阻。旗丁盤費無措。暫動東省藩庫錢糧。每船借給八兩。於六十一年各該糧道應給旗丁月糧內坐扣。移

解東省還項。○又題准。到淮各幫漕船。因雇募民船。諸費浩繁。所領行月錢糧。已經用盡。借給河庫銀兩。作民船口糧水脚之用。江安漕船。每船借銀五十兩。蘇松漕白船。每船借銀四十兩。江西漕船。每船借銀三十兩。浙江漕白船。每船借銀五十兩。俱於次年旗丁應領行月等項錢糧內扣還。○雍正元年。

詔。各省運糧旗丁。急公効力。宜沛恩澤。後到之船。寒冬守凍。尤可軫念。各省旗丁。作何恩恤。其糧石全完無掛欠虧缺者。應作何加恩。倉場查明議奏。遵

旨議准。各省完糧各丁。并守凍完糧丁船。每船正丁一名。賞給銀二兩。○又覆准。山東張秋。臨清一帶地方。浙江。江西。江南等省。幫船旗丁頭舵人等。守凍不能放空回次。酌量支藩庫銀四千兩。每船給銀六兩。○二年。

諭。朕惟漕運關係甚大。經費本無不敷。運丁恣行不法。皆由官弁剝削所致。如開兌之時。糧道發給錢糧。任意扣剋。而僉丁之都司。監兌之通判。又多誅求。及至開行。沿途武弁。借催趲爲名。百計需索。又過淮盤查私貨。徒資擾累。究屬無益。運丁浮費既

多力不能支。因而盜賣漕糧。偷竊爲非。無所不至矣。嗣後各省糧道給發錢糧。不許扣剋分釐。沿途武弁。不許借端需索。運丁除包攬抗違外。所帶些須貨物。亦無庸苛刻盤查。至江浙船政同知。經管修造糧船。侵漁尤甚。此官於漕政毫無裨益。著卽裁去。戶部行文各督撫。不時查察。如有仍前需索等弊。立卽指叅從重治罪。庶運丁漸有起色。自必保守身家。凜遵約束。禁官弁之侵削。卽所以戢旗丁之刁悍也。○又覆准。隨漕銀兩。嗣後起運之日。該衛守備出具印領。交與本衛千總。加具戳記。

赴道投遞。該道卽照應領額數給發。仍取具該衛並無預借印結。申送總漕查核。如有預借扣剋情弊。總漕查明題叅。交與該部照悞漕例嚴加議處。

漂燬勘失

江洋黃河漂流為大患。勘實具題。准與豁免。如未經題報。即於本丁名下追賠。不足。將本幫餘米。量羨等銀。扣抵足數。裏河漂流。為小患。不准豁免。若二百石以上。總漕該撫查明具題。准免晒颺。仍令補充。凡應運納京倉糧米。如漂流十石。減除一百石。改納通倉。每石省脚米一斗。以補缺額。如漂流一百二十石。免晒一千石。每石省晒折米五升。并耗米七升。以補缺額。如數多抵補不敷。扣除該幫羨

餘銀兩。該幫不足。將該衛該總羨餘扣除。務足原數。

順治八年。議准。地方官。經過漕船。全無漂燬者。註上考。實係漂燬者。註中考。通同捏報者。註下考。○十二年。覆准。漕船火燬。各弁丁按律究擬。照數追賠漕糧。補造船隻。○十四年。覆准。糧船漂燬。憑該糧道勘報。倉漕等衙門核實補充。不得止以衛弁呈結為據。○又覆准。改兌漕糧漂流。舊無充補之例。今定。照正兌米。除進倉每石耗米八升三合六勺零。及原備晒颺米每石八

升六合三勺零。抵補不足。將羨餘扣除足數。凡補充米石。查明買補全完者。免其議罰。○康熙二十一年。覆准。漕船漂流。定例。總漕止取文官并運官印結。嗣後如遇漂流。沿途催趲各官。及汛地文武官。親臨確勘。各具保結。並運官結狀。該督撫確查具題。照例豁免。若運糧官丁捏報漂沒。及故將船放失。并損失不多。乘機侵盜。至六百石者。擬斬。不及六百石者。發邊衛永遠充軍。照數賠糧。催趲各官。不親臨確勘。遽出保結者。革職。該督撫不嚴查確實。遽行題豁。後至詐

冒事發者。降二級調用。○又題准。押運官員。巡查不謹。以致失火燒燬漕船者。降一級調用。地方官不行協救。延燒別船者。罰俸一年。○又議准。官員凡遇漕船沉溺。不將情由申報者。降一級調用。○又議准。嗣後大江。淮河。漂沒搶救者。將所搶米石。灑帶各船運送。其漂沒米石。准其豁免。若坐視不救者。該督題叅之日。從重治罪。○二十六年。議准。漕船失風沉溺。船未抵通。而所兌之糧。搭運到通全完者。行月。錢糧免追。令坐糧廳查明。呈報戶部。停其行查總漕。○又題

准。瓜洲舊設望樓。置立旗杆。風平。則高張旗幟。爲渡江之標準。今年久圯廢。令於高阜處。仍立旗杆。擇善測風信者。專司其事。○又題准。京口。瓜洲相對。渡江之處。彈壓經理。專責江鎮道董率地方文武各官。遇有江浙重運一到。當風平靜浪之時。亟令過渡。若遇狂風巨浪。飭令稍待。不使前行。如有汛弁員役勒索情弊。察出。將道官一并題叅。至瓜洲一面。波濤尤險。責令京口左路總兵官。照沿江沿河鎮將例。一體催護。漕艘過江。該鎮躬親巡視江干。若遇大風一起。督

令標弁兵丁操舟預備。倘有江心船隻難以近岸收口者。設法盡力挽救。并造渡生船十隻。分泊兩岸。漕船遭風。並出互救。平日亦令稽查汛弁。不得需索運丁。亦不得縱容逗留。○又覆准。渡生船。設善水頭舵十名。每名月給工食銀一兩。止給冬春三個月工食。漕船過盡。聽其載渡商民。過往船隻。遇遭風患。一體協救。其所需工食修葺銀兩。於六升米折項下存剩銀內支銷。○三十九年。江南武進。無錫。二縣漕船。因決口水溜。由湖越口。遭風壞船一十九隻。奉

旨。漕船因運河難走。從湖中繞行。以致遭風船壞米沉。著照大江。黃河。船壞米沉例。免其賠補。○四十二年。

宿州衛二幫漕船二十一隻。在洪澤湖失風。奉旨。洪澤湖水勢。更甚於大江。黃河。失風漂沒船糧。從寬豁免。此後洪澤湖有失風漂沒船糧。亦照大江。黃河。漂沒之例議奏。○五十四年。泗州等幫旗丁漕船一十二隻。在通州張家灣等處遭風漂沒。奉

旨。今歲北河水發。風大溜急。以致船壞米沉。著照大江。黃河之例。免其賠補。○雍正元年。覆准。漕船在內河失風。押運官弁。照失於防範例。罰俸一年。○五

大清會典卷之四十一
年。覆准。沿途專催。督催各官。嗣後倘有不顧風色水勢。催趲前進。在內河致有疎虞。將地方官與押運官弁。均照失於防範例議處。俟風息水平。仍須立刻催趲出境。如有捏稱風水未便。停泊逗遛者。該地方官員及押運官弁。均照捏報兌開例。降二級調用。

大清會典卷之四十一

大清會典卷之四十二

戶部

漕運三

漕船

原額漕船一萬一百七十隻。

江寧等衛一千六百一十六隻。安徽

等衛四百八十三隻。廬鳳等衛二千七百八十八隻。蘇松等衛六百四十八隻。浙江一千九百

九十九隻。又協運船四十一隻。江西一千三隻。湖廣八百二十六隻。山東七百二十七隻。通津

等衛三十九隻。內抽運白糧船江南三百隻。浙江一百

隻。歷年漕船。或遇陞科增造。或遇永折灰石。減荒及裁併。灑帶缺額。歲無定數。

康熙十一年。見運船七千九百六十四隻八分。

江南四千四百三十二隻八分。浙江一千三百五十隻。江西一千三隻。湖廣四百七十三隻。山

東六百六十七隻。通津協運河南三十九隻。

康熙二十四年見運船六千五十一隻。江南三千四百十

五隻。又協運江西一百六十五隻。浙江一千一百九十二隻。江西七百四隻。湖廣三百一十五隻。山東六百三十隻。

雍正三年各省見存漕白船數共七千一百一

十九隻。江南三千七百五十四隻。湖廣四百一

十隻。河南四百五十一隻。江西七百八十九隻。浙江一千八百七十九隻。山東七百七隻。

歲造補造

每年照見運船隻修理十分之一。名為歲造。其陞科積缺漂沒者。名為補造。十年限滿。方

准改造。江寧省衛。原赴淮安清江廠。後改江

寧龍江廠修造。今俱令運丁領銀自造。安徽

松鎮等衛。原係運丁領銀。於本地設廠修造。

蘇太鎮海三衛。於蘇州廠修造。廬鳳淮揚等

衛。於淮安清江廠修造。今俱令運丁領銀自

造。山東各衛。於淮安山東廠修造。今俱令運

丁領銀。於本地自造。浙江各衛。於仁和錢塘

二廠修造。江西各衛。於本地設廠修造。湖廣

各衛。於武昌漢陽二廠修造。應給銀兩。各衛

官丁。於回空過淮時。按年造報總漕批給。

江南通省漕船。每隻原給料價銀二百八十三兩二錢七分零。後給銀一百七十七兩一錢五分零。今給銀二百八兩七錢七分三釐。

康熙二十六年。題定。

浙江漕船。每隻原給料價銀二百八十三兩二錢七分零。後給銀一百七十七兩一錢五分零。今給銀二百八兩七錢七分三釐。

江西漕船。每隻原給料價銀二百八十三兩二錢七分零。後給銀一百七十七兩一錢五分零。今給銀二百八兩七錢七分三釐。

湖廣漕船。每隻原給料價銀二百五十兩。後給銀一百七十七兩一錢五分零。今給銀二百八兩七錢七分三釐。

山東漕船。料價銀。照江南淮安廠給發。

通州所。天津衛。協運河南船隻。不支領料價。每船於三年後。每年給修艙銀二十兩九錢七分。在通濟庫支領。

順治三年。覆准。漕船先造一隻爲式。估定價值。准動關稅蘆課銀修造。○八年。覆准。各衛補造漕船。需用錢糧。查各省有應扣永折行。月荒折

大清會典 卷四十二
三
行。月及六升餘米扣存者。通行清解淮庫。以供
修造。○十年。覆准。漕船每十年一改造。歷限不
足者。舊例。照年賠銀。今議定加賠。每船料價銀
二百八十三兩二錢七分三釐零。經運一年者。
舊賠銀一百一十兩四分二釐零。今追賠銀二
百五十四兩九錢四分五釐零。二年者。舊賠銀
九十七兩八錢一分五釐零。今追賠銀二百二
十六兩六錢一分八釐零。三年者。舊賠銀八十
五兩五錢八分八釐零。今追賠銀一百九十八
兩二錢九分一釐。四年者。舊賠銀七十三兩三

錢六分一釐四毫。今追賠銀一百六十九兩九
錢六分三釐零。五年者。舊加罰銀十五兩。今追
賠銀四十六兩四錢七分八釐零。六年者。舊加
罰銀十五兩。今追賠銀四十一兩四錢一分三
釐。七年者。舊加罰銀十兩。今追賠銀二十八兩
七分三釐零。八年者。舊加罰銀十兩。今追賠銀
二十六兩四錢九分八釐。九年十年者。照舊例
免賠。○十三年。題准。貼備造船銀兩。江寧各衛
屯米每石協濟銀三分。黃快船每丁協濟銀五
分。官舍餘丁編爲三則。上則。納銀五錢。中則。三

錢。下則二錢。審定造冊徵收解廠。安慶衛以屯田均配上下兩運。公同貼造。新安。宣州。二衛。按屯田編徵貼造。建陽衛。於屯丁銀內加徵貼造。廬。鳳。淮。揚。滁。徐。等衛。蘇。太。等衛所。及山東各衛。俱按清出丁舍編徵貼造。浙江。按清出閒丁。每丁徵銀四錢。江西。每丁徵銀二錢五分。湖廣。每丁徵銀二錢。以供貼造。若船多銀少。儘數均攤。

○十四年。覆准。漕船例有軍三民七。軍三。卽運糧。民七。卽淺船料價。并減存行月錢糧。專供修造。今仍於額設銀兩內撥給。○十七年。題准。江淮。興武。二

衛料價銀。每隻減四十八兩五錢。○康熙四年。覆准。淮廠改造補造漕船。總漕親身查驗。果不堪再運者。方許改補。如有剩料。留充下年歲造之用。○又覆准。造船運丁。不僉不解。責在該府廳衛所。解丁不造。責在糧道。造船同知。該督撫指名題叅。○又覆准。江南應協濟江西漕船銀兩。限江安糧道。每年十月內完解。○六年。覆准。漕船每隻載米四百石。糧道等官。親臨船廠。依式成造。○七年。題准。漕船改造。管造之官。親加驗明。如內有可加修再運一二年者。卽量給加

大清會典 卷四十二 戶部 二十 五

修銀兩。仍令載運。照年扣算。倘有可用舊船。不行驗明。該督撫查出題叅。○十一年。題准。漕船不足應運。該管官。不早爲僉丁補造。又不設處僱募以竣運者。降一級調用。經管造船玩悞者。罰俸一年。○又題准。衛所官。解送漕剝船隻。遲悞朽爛者。罰俸一年。○又題准。江淮興武二衛。料價銀。每隻減十兩四錢。其不足年分追賠銀。照例遞減扣算。○十四年。議准。官員奉委修造漕船。或謊報朽爛。或修造未竣。捏報已完。或朽爛船隻。冊報掩飾者。俱降二級調用。如承造漕

船。推諉不行監造。或檄催日久不完者。俱降一級調用。該管官督催不力者。罰俸一年。如朽爛船隻。不估價申報者。亦罰俸一年。○又覆准。漕船有額給料價。清出餘丁銀兩。停其支給。○十五年。議准。山東漕船赴淮成造。每一船。支給月糧五石。○十七年。題准。漕船載米。不得過四百石。入水不得過六捺。六寸空船。以四捺爲度。依式成造。○又題准。江南山東衛所。減料價銀七十四兩五錢零。江淮興武二衛。減十五兩六錢。浙江。減二十二兩二錢四分零。○十八年。議准。

大清會典 卷四十二 六
應造船隻。預行咨部核定。方准成造。如未奉文之先。私給銀成造者。卽將該管官指叅。○十九年。題准。歲造漕船。內清江。龍江。二廠。係船政同知督造。所用料價錢糧。工部核銷。江南。浙江。江西。湖廣等處。係各糧道令運丁領造。其料價及按年修艚銀兩。戶部核銷。今工部題差司官督造清江廠漕船。酌定工價。其江南等處新造船隻。照例銷算。○又題准。江南。山東。減料價銀三十一兩六錢一分零。浙江。減三十九兩五錢四分零。江西。減四十二兩九錢零。湖廣。減七十二

兩八錢四分零。○二十一年。覆准。令總漕及各督撫。嚴檄糧道等官。糧船務須依式成造。如有違式。卽行指叅。○二十二年。題准。各省康熙十九年所裁料價銀。俱行復給。○又議准。遣官往各省監造船隻。每船實用料價銀一百七十七兩一錢五分。嗣後造船。俱照此例。○二十四年。覆准。江。浙。漕船幫次。各令附近歸併。中幫船少者。併二爲一。小幫船尤少者。併三爲一。○二十六年。覆准。歲修銀兩。各省多寡不同。今酌中畫一。通漕一例。每年出運一船。給修費銀七兩五

錢。○又覆准。每年漕船。照見運船數。按年加一成造。○又覆准。新改式船小載重。量加寬大。仍復給原定價二百八兩零。其不足年限追賠。照例扣算。○二十八年。覆准。廬鳳等衛船隻。向在清江。江寧二廠內打造。嗣後改歸各旗丁領銀自造。○三十二年。覆准。太平寧國二府截留漕米三脩銀兩。已供脩船之用。將下運修船銀兩。停其支給。○三十三年。覆准。仍設清江。江寧二廠。修造漕船。○三十四年。題准。浙江添設船政同知一員。○雍正元年。議准。江興二衛歲修漕

船。除支給料價銀外。其鑽夫底料銀兩。永行停給。○二年。覆准。漕船到次。糧道卽行給發三修銀兩。令該船旗丁。立刻修船堅固。候兌新漕。該丁或有事故。卽著該船舵工修船。如有修船稽遲。至悞開兌。過淮期限者。總漕題叅。若該丁虛領錢糧。並不修船。總漕於過淮時察出。卽將糧道監兌。押運衛守備等官。題叅議處。修船銀兩。仍著落該丁賠補。○又議准。湖廣江西漕艘。遠歷長江。應令造船以十丈爲率。短不過九丈。其寬深丈尺。酌量合式。船底務須寬平。該督飭令

兩省糧道照式成造。如有私放寬大者。該督卽將糧道題叅。給發料價銀兩。仍照定例。○又議准。船政同知。已經奉

旨裁汰。江寧清江浙江廠造之船。令各糧道經管。其山東漕船。則歸山東糧道經管。俱給料價。令旗丁自造。至船式料價。悉照康熙二十六年題定之例。

協運

康熙二十七年。覆准。江西省本年漕糧四十九萬五千三百九十餘石。本省缺船。將江南減存漕船。暫撥協運江西漕糧一年。○二十九年。覆准。河南應用漕船共四百五十九隻。將山東各衛現存船二百一十隻。通州。天津。二衛所船三十九隻。協運。○又覆准。長淮。徐州。二衛。協運河南漕糧。○三十年。議准。江西每年撥江南船協濟。嗣後該撫停止。每年題請。將江南減存船內。撥給江西七十八隻。永行運糧。○三十三年。覆

准。將江南漕船。停其協運江西。

凡灑帶。順治十八年。覆准。浙江缺船。漕米灑帶見運船隻。每船例給負重銀四十八兩。江西漕船。加載糧米。每石給銀一錢六分五釐。○康熙元年。覆准。補解一項。欠三四百石者。許搭新運。糧道先取運官願搭甘結。發縣稽查。五百石以上。不許搭運。○五年。題准。江西加載米石。每石給銀一錢六分五釐。○八年。定。河南灑帶米石。其行月。糧。照例支給。○十四年。題准。江南漕船抽運白糧。其應運之米。分灑餘船帶運。每石給

負重銀五分。○二十年。議准。江淮等衛。帶運上年災糧。每石給銀五分。○二十五年。覆准。浙江缺船灑帶米石。不得按船支給負重銀。照江南例。每石給銀五分。○三十四年。覆准。嗣後陞科米石過多。停其灑帶。總漕將陞科米數。預先題明。撥給船隻。○四十七年。覆准。湖廣四十六年漕米。截留江寧四萬五千石平糶。於秋收後。動司庫銀兩。購買楚米。補償原數。卽於湖南起運漕船內。分爲兩年。搭運赴通。○雍正二年。議准。凡有掛欠漕糧。必以本色交兌搭運。於過淮之

日。卽將正米并搭運米石。盤查驗數。方許開行。北上。如有麥。豆。雜糧等項。抵充漕欠搭解。或過淮之後。小船趕送者。總漕查明題叅。交與該部嚴加議處。○五年。覆准。東省雍正三年。緩徵漕糧。于四年帶運。照江南搭運之例。每米一石。給負重銀五分。

凡僱募。順治二年。覆准。糧船缺額。僱募堅固民船。襄運。倘有掛欠。但追運官。不得扳累船戶。○十年。定。糧艘凍阻。許僱募民船。不得短價強僱。○又覆准。僱募民船。每糧百石。定給水腳銀三

十五兩。照進倉船糧。扣除掛欠銷算。查明解糧印冊。果係僱募。方准開銷。如有隱匿見船。希圖支領。及僱少開多者。叅究。○十一年。

詔。漕船缺額。准動輕齎銀兩。令運官自僱。不許重派地畝。擅拿民船。○十二年。議准。地方所僱漕船。卽大兵經臨。不許封捉。○康熙四年。議准。江西僱船裝運。每石給銀四錢。○六年。覆准。江西漕糧僱運京口。每石水腳銀一錢二分。○二十年。覆准。浙江漕船凍阻。僱募民船。兌運至淮。交與運丁。每石水腳銀一錢。○二十一年。覆准。浙省船復凍

大清會典 卷四十二
阻。派地方官二分。旗丁五分。僱民船。長運抵通。
○二十九年。覆准。河南缺船。暫行僱募起運。仍
將節省行月錢糧。并潤耗銀米。扣除解部。○四
十五年。覆准。江西漕船凍阻。僱募民船。每石給
僱價一錢二分。食米四升。○五十一年。覆准。抵
通遲延之船。不能依限兌運。查明該省減存船
隻。依限兌運開行。如無減存船隻。即在本省漕
船內搭運。倘無搭運之船。即行捐輸僱船。依限
兌運。其遲滯船隻。來年開凍之時。沿河文武官
員。星夜飛催迎淮受兌北上。如不行設法僱船

依限兌運。即將該糧道監兌等官題參。如遲滯
船隻。不能迎淮受兌。即將沿河催趲回空之文
武各官叅處。○六十一年。覆准。六十年分漕糧。
因回空凍阻。令各衛募民船。依限兌開。迎船換
載。如民船抵淮。守候漕船修艙。恐耽延時日。遲
悞重運。將民船加添船戶水脚。長運抵通。回空
漕船。留搭下運。如有遲悞。即行題參。○又覆准。
今歲僱募民船。非往年可比。暫准越幫行走。○
雍正元年。議准。令各省督撫。將回空各船。速催
抵次。即速裝運漕糧過淮。務於限內作速抵通。

若有凍阻不能抵次者。照例僱募民船。卽令長運抵通。雖在途相遇。回空船亦不必迎船換載。

○二年。

諭。聞今春丹陽。常州等地方漕船。沿途遇淺。槩拿商船起剝。且借名需索。貪暴公行。得賄者。雖空船亦行釋放。不遂其欲者。抑勒當差。有將貨物行李。拋棄河干。紛紛露積。或爲風雨所損傷。或爲盜賊所窺伺。該管漕運文武官弁。漫無約束。毫不經心。小民營販資生。何以堪此擾害。江南總督。巡撫。總漕。係地方大吏。皆當實心體恤。稽察周詳。奉諭之後。

若再用起剝。當各嚴飭所屬官弁。申明約束。不得仍蹈前轍。○三年。議准。令倉場轉飭坐糧廳。遇漕船起剝之時。於空載民船齊集之處。令旗丁照時價出銀僱剝。領封貼船。毋許彼此抑勒。亦毋得濫捉商船。如有此等情弊。倉場將司剝之官題叅。丁役船戶。一併責治。

盤查

舊例漕船每隻許帶土宜六十石。順治八年題
 准。運丁所帶土宜。凡遇關津巡攔員役。及護漕
 兵丁。不許指稱報稅。稽留搜搶。致滋延緩。○十
 五年。覆准。漕米過淮。盤驗明白。並無攙雜。如弁
 丁私行攙和。藉口狡飾。倉場官將原米變價充
 賠。其掛欠者。嚴行追比。仍題叅重處。○十七年。
 題准。總漕倉場。於漕船過淮抵通日。盤查貨物。
 自六十石外。盡追入官。弁丁治罪。○康熙二年。
 題准。糧船經由儀徵。瓜洲。淮安。濟寧。天津。五處

地方官嚴加盤詰。如有夾帶私貨。呈報督撫題
叅。若徇情容過。事發。降一級調用。如水次附載
貨物。沿途包買。運官通同奸商附載者。糧道不
行嚴禁。罰俸一年。監兌押運等官。降一級調用。
○又覆准。運丁包攬客貨。私載船上。運官幫官
嚴加稽查。許於司漕衙門。據實出首免罪。如隱
匿不報。定係受贓賣法。一經查出。運官幫官。加
倍究擬。運丁照例治罪。其奸商希圖漏稅。附載
者。交與刑部照律治罪。○又覆准。各丁夾帶私
貨。水次雖經禁戢。沿途不無包買。專責押運通

判。通幫前後不時稽察。如有犯者。立刻申報題
叅。照例議處。○五年。題准。運官縱容運丁私攬
客貨者。革職。俟交糧完日提審。若自帶貨物者。
革職。帶私鹽者。降一級調用。○九年。題准。停免
天津盤查。一應重運糧船。各鈔關不許借端稽
留盤查。○十一年。題准。停免瓜洲儀徵盤查。○
又題准。運官自攬客貨。與私載已貨。裝運私鹽
者。俱革職。運丁私攬客貨。私載已貨。裝運私鹽
者。運官降一級調用。○十五年。題准。淮安。濟寧
地方官。失查糧船夾帶者。罰俸一年。○二十一

大清會典 卷四十二
年。議准。凡糧船經由地方。自水次至淮安。總漕同淮揚道盤詰一次。至濟寧。總河同濟寧道盤詰一次。如有夾帶私貨。該地方官不行確查。徇情容隱。或旁人告發。或後經查出。將前失於覺察之官。罰俸一年。○二十二年。議准。回空船隻。量許攬載貨物家口。以濟運丁。毋得違限到次。○四十一年。題准。私錢禁令甚嚴。京城週圍。仍有用者。皆由別省買來。偷載運糧船內。帶至京城發賣。行令有漕各省督撫。嚴檄各該管官。於糧船開幫時。確查放行。再各省糧船過淮時。總

漕亦確查放行。如不確查。被別省官員拿獲。將總漕及該管督撫。糧道押運等官。交部嚴加議處。○五十八年。覆准。湖廣江西二省漕船起運後。令總漕該督撫。飭各糧道於上流漢口。吳城集貨馬頭。親身嚴查。仍嚴飭押運等弁。如有違例多載私貨。及帶木筏過關者。將貨物照例入官。該管糧道運弁。一併題叅治罪。○雍正二年。議准。各船裝載漕糧。正耗之外。有隨漕之米。以供長途飯食。而水手工食銀兩。又往往買米入船。赴北發賣。原係另包存貯。與漕糧各別。乃有

奸丁水次折收。正米虧缺。到淮之日。每借包米
奏數盤驗。本船不足。又賃別船包米。巧爲遮飾。
過淮之後。水手之米。仍歸水手。別船之米。仍歸
別船。其盤查雖足。而正數仍虧。嗣後糧船過淮
時。總漕按數查驗。如正數有虧。將別項米石湊
抵補數者。總漕卽將此米印記。作爲正米運通。
不得復歸水手別船。仍將該幫領押官弁題叅。
嚴拿治罪。○又

諭。漕船回空。夾帶私鹽。固宜嚴禁。但仍照例在運河
口內地。派官搜查。查出私鹽。必究明根窩場竈。
照例治罪。若船至大江。不可攔阻搜查。致生事端。
有悞漕運。○三年。

諭。天庾積粟。漕運最爲緊要。而通商裕國。關稅亦應
留心。朕上年因恐糧船遲滯。曾有旨。船至大江。不
可攔阻搜查。致生事端。有悞漕運。今聞諸糧船。有
於兌糧起運之後。卽多包攬貨物。回空時。又行夾
帶私鹽。此皆由其所經過馬頭停泊裝卸。地方官
不行嚴查也。至於窮丁裝帶些須貨物。情尚可恕。
如私鹽。乃大干法紀之事。况斷無沿途零買零賣
之事。必有一定之處。其裝卸亦必非俄頃半日可

辦。必須二三日乃能。若該地方官。果實力稽查。自然弊絕。其如何稽查。如何勸懲。必使裕國通漕。兩得其宜。並行不悖。著總漕安徽巡撫。會同虛公詳議具奏。至糧船中。聞有帶火炮鳥鎗火藥者。伊等皆係合幫結隊而行。不畏盜賊。火炮鳥鎗。安所用之。著通行嚴禁。該管地方官。若虛應故事。陽奉陰違。一經察出。決不輕貸。遵

旨議定。嗣後糧船販賣私鹽。地方之兼轄官。降一級。罰俸一年。押空之運官。照狗庇例。降三級調用。該幫隨幫革退。如有倚恃糧船。任意販載私鹽。

不服盤查。闖關及閘。持械傷人。押運等官。明係知情故縱。將押運等官革職。隨幫責四十板。革退。押運官弁。於一年內。該幫無犯私鹽者。紀錄一次。弁丁兌糧之後。准帶土宜六十石。此外如有夾帶。并包攬商貨木筏者。弁丁商人。俱照漏稅律治罪。產貨馬頭地方官。不行驅趲。任其停泊。包攬裝載。與糧道等官。一併題叅議處。貨物入官。再糧船帶火炮鳥鎗者。查得本犯照私藏鳥鎗例。責四十板。糧道衛守備。運弁失察。照失察銃砲鳥鎗例。分別議處。

回空

順治四年。覆准。完糧後。運官查明船數。管押南旋。如有遺棄。責令賠補。倉督給回空照票。關津驗放。沿途各官。逐程催趕南下。俟空船回南。管押官赴糧道投繳原票。違者。照依單例降罰。○五年。覆准。每年重運過畢。通惠河分司。責令回空官丁。開列姓名船數。投司詳定期限。給單。押至天津。投天津道轉單。至濟寧。總河查驗。換牌註限。至淮安。總漕查驗。責令沿河文武各官。嚴催。不許時刻停留。○七年。覆准。運船交卸後。卽

大清會典 卷四十二
照數交密雲道。自通州起。押到天津。天津道督押出境。武德、東昌各道督押至淮安。呈明總漕。至江寧。呈明兩江總督。至杭州。呈明浙閩總督。各該道逐程督押。交割該管衙門。接濟新運。遲悞者。該道及原領官丁議處。○十二年。覆准。沿河督撫鎮道等官。遇回空糧船入境。照坐糧廳編號船數。分汛督催。將出境入境日期。報部查核。○十五年。覆准。漕船回空。拋棄河干。地方官并押船官丁議處。船隻著管押官丁賠補。○十六年。題准。回空漕船。後船已過。前船未到。及逗

遛脫幫者。押回官叅處。○又覆准。漕船回空到淮。令押空官先期投驗限單。查該幫原過淮船若干。差官點驗。如有缺少。卽按法治罪。仍押發該糧道嚴拿棄船逃丁追賠。從重究擬。其山東河南不過淮者。專責糧道稽核。○康熙元年。覆准。押空官如有棄船由陸路先回者。沿河督撫指叅重處。○又覆准。回空船私攬商貨。沿河貿易者。許沿途官盤詰禁止。如不遵抗違。該地方官申報總漕。嚴究題叅。如地方官容隱不禁。該督撫查明叅處。○十一年。議准。回空漕船。赴次

遲延者。隨幫外委官責逐。○二十年。覆准。令漕河各督撫。嚴檄鎮道等官。親往河干。將各省回空糧船。無分晝夜。嚴行催回。以副冬兌春開之限。○三十四年。覆准。嗣後漕船回空。令通判管押。如有不遵。從陸路回省者。卽照差遣官員枉道例處分。其回空船隻過淮。亦照題定限期。如有違悞。照重運過淮違限之例處分。並令沿途官員。嚴飭運丁。不許逗遛借端生事。將堅固漕艘私自換賣。○五十一年。覆准。嗣後凡抵通遲延之船。令倉場勒限交糧回空。○五十二年。覆

准。回空漕白糧船。倉場所給回空限單內。將州縣經過界址。照原定限日列入單內。令沿河州縣註明入境出境日時。至淮申繳漕臣察驗。其催趲之責。在天津及淮安北河文武官弁。到淮之後。漕臣另給抵次限單。亦令沿河州縣註明入境出境日時。各船抵次之限。總不得出十一月。將限單申繳巡撫衙門查驗。其催趲之責。在淮揚及蘇松南河文武官弁。○又

諭。今年漕船較之往年。過淮既早。兼之河水甚好。沿途無所遲滯。其抵通自早於往年矣。再。向年俱於九月

底卸完米石回空。今過淮到通。無所遲滯。務必催趲。俾八月內卸完。空船早到水次兌米。卽得起運。則明年更可早到於今年。庶於漕務大有裨益。○六十一年。覆准。糧船額設副丁一名。令其管駕。嗣後副丁。務令跟隨重運過淮抵通。交糧完日。押運官同隨幫官。逐名查點。令其管押頭舵水手回空。通判所押尾幫糧船起卸完日。坐糧廳卽將批回印發。呈送戶部查驗。令其押空南回。如通判隨幫副丁。托故逗遛。不親管押回空。將通判並隨幫人等。照規避例議處。坐糧廳勒指批回。不

行印發投驗。該通判呈報倉塲。將坐糧廳照抑勒遲延例。題叅議處。○又議准。漕船因上年回空凍阻。以致今歲遲滯。將先抵通者。隨到隨收。在後漕船。自天津以上。桃花口。楊村等處起卸。陸續運通。其空船卽催回南。毋致凍阻。○雍正元年。覆准。嗣後無欠運弁。倉塲轉飭坐糧廳。立給限單。限一月到淮投驗。如逾限。照規避例咨革。如果因公稽留在通。坐糧廳詳明倉塲。移知總漕。其起交無欠。勒限到淮各弁。坐糧廳陸續移知各道查考。

考成

凡催徵漕糧完欠。順治十三年題准。經徵漕糧州縣衛所官。未完不及一分者。免議。一分以上者。罰俸六箇月。二分以上者。住俸。三分以上者。降二級。四分以上者。降三級。五分以上者。革職。俱帶罪督催。完日開復。叅後違限不完者。加倍議處。如應罰俸者。住俸。應住俸者。降二級。應降二級者。降四級。應降三級者。革職。仍帶罪督催。完日開復。應革職帶罪者。實降二級調用。署印官。照署徐淮等倉錢糧官例處分。○十八年。覆

准行。月經費雜項錢糧。向無考成則例。今照正項錢糧原定例處分。○康熙二年。題准。隨漕行。月。輕齎。各項錢糧。俱在地畝銀米內支辦。不必各作分數。應總作十分。州縣衛所官。欠不及一分者。停陞。罰俸一年。欠一分者。降一級。欠二分者。降二級。欠三分者。降三級。欠四分者。降四級。俱帶罪徵收。欠五分以上者。俱革職。知府糧道。欠不及一分者。停陞。罰俸六箇月。欠一分者。罰俸一年。欠二分者。降一級。欠三分者。降二級。欠四分者。降三級。欠五分者。降四級。俱帶罪督催。

欠六分以上者。俱革職。巡撫。欠一二分者。罰俸三箇月。三分者。罰俸六箇月。四分者。罰俸一年。五分者。降俸一級。六分者。降俸二級。七分者。降職一級。八分者。降職二級。俱帶罪督催。完日開復。凡本年內接徵。接催之官。或一官經管。或數官經管。總計十分。不必各作十分。仍照經徵。經催官例處分。署印官。欠不及一分者。罰俸三箇月。欠一分者。罰俸六箇月。欠二分者。罰俸九箇月。欠三分者。罰俸一年。欠四。五分者。降一級調用。欠六。七分者。降二級調用。欠八分以上者。革

大清會典 卷四十二
職不及一月者。免議。叅後州縣衛所官。限一年。糧道知府。限一年半。巡撫。限二年。其年限內不完者。不復作分數。照原叅分數處分。如州縣衛所官。限內不完。原欠不及一分者。降一級調用。原欠一分者。降三級調用。原欠二分者。降四級調用。原欠三分者。降五級調用。原欠四分以上者。革職。巡撫糧道知府。限內不完。原欠不及一分者。降一級。仍帶罪督催。其餘俱照州縣例處分。至限年錢糧。接徵。接催之官。俱并前官總作十分。以到任日爲始。限半年催完。如不能完。題

叅之日。照初次分數例處分。凡各官催徵。本年內全完者。紀錄二次。三年連次全完者。加一級。未經催完。因他事離任者。俱罰俸一年。○九年。題准。漕項錢糧。接管之官。照康熙二年地丁錢糧例考成。○十年。題准。各省漕糧。督催糧道知府等官。欠一分者。罰俸三箇月。欠二分者。罰俸六箇月。欠三分者。住俸。欠四分者。降二級。欠五分者。降三級。欠六分以上者。革職。俱帶罪督催。完日開後。叅後違限不完者。加倍議處。應罰俸三箇月者。罰俸六箇月。應罰俸六箇月者。住俸。

應住俸者。降二級。應降二級者。降四級。應降三級者。革職。俱帶罪督催。完日開復。應革職帶罪者。實降二級調用。欠不及一分者。免議。○十四年。覆准。漕糧改折銀兩。與隨漕項下錢糧。各作分數題參。○又題准。隨漕錢糧。原參各官。既限一年。接徵。接催之官。止限半年。限期太迫。今定。接徵州縣等官。亦限一年。接催糧道。知府。直隸知州。限一年半。接催巡撫。限二年。如仍不完。照初參例議處。○又議准。隨漕錢糧。州。縣。衛。所。官。原欠不及一分。年限內不完者。降一級留任。再

限一年。帶罪催完。如又不完。照所降一級調用。若年限內不完。原欠一分者。降三級調用。原欠二分者。降四級調用。原欠三分者。降五級調用。原欠四分以上者。革職。巡撫。糧道。知府。等官。年限內不完。原欠不及一分者。降一級。帶罪督催。其餘。俱照州縣等官例處分。○三十三年。覆准。隨漕輕齋。行。月。等項錢糧。舊例隔年奏銷。各官因畏考成。捏造全完。希圖將新補舊。嗣後著照地丁錢糧考成。於次年奏銷。○三十四年。題准。凡有分數錢糧。俱將接徵。接催。官員。已完分數

扣除。照現在分數處分。○三十五年。覆准。隨漕銀兩。若照地丁之例。於次年奏銷。七箇月內。卽行處分。有司勢必嚴比累民。仍照舊例。隔年奏銷。○四十四年。題准。江南蘇松常鎮四府屬賦稅繁重。州縣官經徵。每年地丁漕項錢糧。於奏銷時。完至九分以上。而接徵未完舊欠錢糧。於年限復參降級調用者。改爲降級留任。再限一年催徵。如仍不完。照所降之級調用。至四府督催各官。亦照此例議處。○雍正四年。覆准。嗣後僉派收書徵收糧米。務令遴選老成殷實之人

充當。如僉派匪人。以致侵蝕漕糧者。題參審究確實。按其米數。照監守自盜律治罪。僉派之州縣。照溺職例治罪。侵蝕米石。卽於戶役名下。嚴行追補。再各州縣收糧交兌外。倘有贏餘。令該撫及糧道。就近臨時到倉。盤驗斛面。計兌交之外。應有餘米若干。計算明白。存爲修倉賑濟之需。每歲底將存貯動用數目。造冊報部。仍令該撫不時查察。如有扶同徇隱。及各州縣。或借名私加斛面累民者。卽指名題參。○五年。覆准。浙省各屬。額徵南秋等米。解貯省倉。支給官兵俸

餉。向入地丁奏報。並未另有處分。是以各官任意拖延。自五年爲始。另爲一本題銷。將已未完分數。照漕白糧處分。巡撫仍照地丁例督催。

凡運納漕糧完欠。順治四年。覆准。漕糧掛欠千石以上。送刑部。千石以下。發該糧道。嚴追擬罪。○五年。覆准。漕糧掛欠。不分多寡。俱發糧道追比。將行月。耗米抵補。餘欠追完。○六年。題准。運官擇殷實才幹者。加千總銜。押運漕糧。一年無欠。實授千總。二年無欠。加署守備。三年無欠。實授守備。五年無欠。加都司僉書。如有掛欠。加等

治罪追賠。○又覆准。運官領運漕糧。防範不周。以致虧折米石。雖續買交完。仍照疎忽例議處。

○七年。覆准。選委運官。專責糧道。僉補運丁。專責清軍廳。如有盜賣包攬。掛欠一。二分者。罰俸三箇月。三。四分者。罰俸六箇月。五。六分者。罰俸一年。停其陞轉。七。八分者。降職一級。九。十分者。降職二級。運官欠者。責在糧道。運丁欠者。責在清軍廳。賠補十分之二。○又題准。官丁掛欠漕糧。卽遇赦。亦不准豁免。仍行究追。○又覆准。官丁欠糧。產無可變者。卽依律擬罪。不得聽其株

扳。○八年題准。運官一運全完。委用守備千百總。俱准實授。二運全完。各加銜一級。三運全完。各實陞授一級。○又題准。漕糧掛欠二三分者。總漕巡撫糧道。住俸督催。完日開復。欠四五分者。各降一級留任。督催完日開復。欠六七分者。各降二級調用。若一年糧運全完。總漕以通漕論。巡撫糧道。以本屬論。加陞二級。官丁掛欠一。二三分者。發總漕追比。四五分者。交刑部監禁。行本處變產充賠。六七分者。刑部監比。家產妻孥變賠。八九分者。本犯官丁立斬。仍將家產妻

孥變賠。○十年覆准。糧道運務未畢。俱停陞轉。統計該管漕糧全完者。陞二級。一運欠一分者。罰俸一年。再運欠一分者。降一級調用。一運欠二分者。降二級調用。欠三分者。革職。如前官遇有事故。後官接管。在未開幫以前者。前官免議。後官照例陞降。在開幫以後接管者。後官完十分。陞一級。欠一分。罰俸六箇月。欠二分。降一級調用。欠三分。降二級調用。欠四分。革職。前官酌量另議。○又議准。漕糧掛欠。坐糧廳審究。係某處折乾盜賣。申詳倉場總督。將該管官一併治

大清會典 卷四十二
罪其欠多官丁。分別枷示。○十二年。覆准。運官掛欠一分者。見任守千。降級發追。完日還職。不完。革職。欠二分者。革職發追。完日免罪。不完。徒一年。欠三分者。革職發追。完日免罪。不完。徒三年。欠四分者。責四十發追。完日免罪。不完。發附近衛所充軍。欠五分者。責六十發追。完日。仍杖一百。不完。發邊遠衛所充軍。欠六分者。責八十發追。完日。徒一年。不完。絞。欠七分者。責一百發追。完日。徒三年。不完。斬。欠八。九。十分者。立斬。籍沒家產。妻孥抵償。如不足。令原僉報各官代賠。

○又覆准。官欠追官。旗欠追旗。如旗丁欠糧。從本旗名下究追。仍照官欠分數行法。每年發准追比之時。分別欠數。嚴審明確。官旗一體嚴追。變賣充賠。欠多者。一體行法。其未發准者。坐糧廳審明官丁欠數。分別嚴追。如有奸旗侵糧脫逃者。報明戶部。行總漕衙門。提究追擬。運弁包攬賣放灑帶代運者。一併查明重處。○十三年。覆准。欠糧各弁。在通追比。定限一年。歲底題明。有未完者。發南追比。亦限一年。總漕歲底造冊題明。仍有未完。變產賠補。送刑部擬罪。○十四

年覆准。運官糧米全完。有別事誑誤者。如非貪
賊失守。大計隱匿逃人之罪。酌議分別。以爲鼓
勵。○十五年覆准。官旗納剩餘米。如本丁有舊
欠數多。而餘米少者。通行扣留。餘米多而欠數
少者。扣完。悉令照出。本衛有欠。每十石扣留三
石。亦扣完。卽止。但昔未定年限。今官旗到通掛
欠一年。卽發南追。在南亦限一年追完。不完。卽
變產攤賠。則餘米餘銀。應以三年爲止。如十五
年有餘。則查至十二年。十六年有餘。則查至十
三年。以後挨年遞減。至於新餘。簞羨等銀。亦應

照餘米扣抵。三年而止。若扣外。仍有餘米餘銀。
照數給發領出。以鼓完糧。○十七年題准。江安
蘇松。浙江。江西。糧道糧多。全完者。加陞一級。山
東。河南。糧道糧少。全完者。紀錄一次。未完者。照
十年例。各省糧道一例處分。接管官在開幫以
後全完者。紀錄一次。未完者。亦照十年例處分。
漕儲道。計通漕全完者。加陞二級。接管官在開
幫以後全完者。加陞一級。未完者。照糧道例議
處。押運通判全完者。紀錄一次。欠一分者。罰俸
六箇月。欠二分者。降一級調用。欠三分者。降二

大清會典 卷四十二
三
級調用。欠四分者。革職。巡撫照糧道例。總督照漕道例。議處。○又覆准。糧雖全完。而本色。蓆木。板片。未完者。亦不准議敘。○又覆准。領運官。除銷算買補及隨幫帶運全完者。不議敘外。江南。浙江。江西。糧多路遠。部推守千百總。全完者。每運加銜一級。外委運官。一運全完者。紀錄一次。二運全完者。准實授。三運全完者。加銜一級。山東。河南。糧少路近。部推守千百總。一運全完。紀錄一次。二運全完。紀錄二次。三運全完。加銜一級。外委運官。一運全完。倉督從優獎賞。二運全

完。紀錄一次。三運全完。准予實授。○康熙元年。覆准。搭解舊欠米石。復有掛欠。倉場開列分數。題叅。照例處分。掛欠米石。照追。○二年。題准。巡撫等官。叅後限滿逾期。該撫將自欠原叅分數。暨糧道等官分數。不行查叅。察出。照原叅分數。加等治罪。○又題准。署印各官。未完錢糧。俱照署印官分數。議處。不必停其陞轉。○三年。題准。追比運官。掛欠漕糧。州縣官。初叅欠不及一分者。停陞。欠一分者。罰俸六箇月。欠二分者。罰俸一年。欠三分者。降俸一級。欠四分者。降俸二級。

欠五分者。降職一級。欠六分者。降職二級。欠七分者。降職三級。欠八分者。降職四級。俱帶罪督催。完日開復。欠九十分者。革職。布政使。糧道。知府。直隸知州。初叅欠不及一分者。停陞。欠一分者。罰俸三箇月。欠二分者。罰俸六箇月。欠三分者。罰俸一年。欠四分者。降俸一級。欠五分者。降俸二級。欠六分者。降職一級。欠七分者。降職二級。欠八分者。降職三級。欠九分者。降職四級。俱帶罪督催。完日開復。欠十分者。革職。總漕。巡撫。初叅欠不及一分者。停陞。欠一分者。罰俸三

箇月。欠三分者。罰俸六箇月。欠四分者。罰俸一年。欠五分者。降俸一級。欠六分者。降俸二級。欠七分者。降職一級。欠八分以上者。降職二級。俱帶罪督催。完日開復。署印官。初叅欠不及一分者。停陞。欠一分者。罰俸三箇月。欠三四分者。罰俸六箇月。欠五六分者。罰俸九箇月。欠七八分者。罰俸一年。欠九十分者。降一級調用。署印不及一月者。免議。叅後。州縣官。限一年內全完。如一年內不完。原欠不及一分者。罰俸一年。原欠一二分者。降三級調用。原欠三四分者。降四

級調用。原欠五。六分者。降五級調用。原欠七分
以上者。革職。布政使。糧道。知府。直隸知州。限一
年半全完。如限內不完。照州縣官例處分。總漕
巡撫。限二年全完。如限內不完。原欠不及一分
者。罰俸一年。欠一。二分者。降二級調用。欠三。四
分者。降三級調用。欠五。六分者。降四級調用。欠
七。八分者。降五級調用。欠九。十分者。革職。其接
徵。接催。各官。以到任日爲始。限半年催完。如不
完。照初叅分數例處分。○又題准。江西漕糧。節
年多有掛欠。舊例該幫有欠。三七扣留。今以該

省各丁。應照出之餘米。借扣以補本省各丁之
欠。補完有餘者。仍令照給。其借抵餘米價值。移
咨該撫。追償各丁。○八年。定。停止總漕議敘。○
又定。漕船依限過淮。米石催趲進倉。係倉場職
掌。應將本年起運到通。除帶運米石不算外。其
扣收舊欠餘米。算入正運數內。總作十分。完至
九分八釐者。照常考核。完至九分九釐以上者。
紀錄一次。比及三年。全完至九分八釐。並十
分全完者。加一級。十分之內。欠五釐以上。至一
分者。罰俸一年。三年。一連欠五釐以上。至一分

者。降一級。帶罪督催。○九年。覆准。湖廣漕糧。仍舊起運。照山東例考成。○十一年。題准。衛所裁外委百總名色。改爲隨幫官。江南。浙江。江西。湖廣。隨運三次。山東。河南。隨運四次。給千總劄。再隨運二次。以衛千總推用。○十四年。題准。追比拖欠漕糧署印官。欠不及一分者。免其停陞。○又題准。追比拖欠漕糧原叅各官。旣限一年。接徵。接催之官。止限半年。爲期太迫。今定。接徵州縣等官。亦限一年。接催司道府直隸州官。限一年半。接催總漕巡撫。限二年。如仍不完。照初叅

例議處。○二十年。覆准。運官欠糧。追比病故。著落欠丁。追完報部。○二十一年。議准。運官掛欠漕糧。未完不及一分者。停陞。○又議准。運官領運漕糧。過壩短少者。革職。交與倉場總督追比。若全完者。還職。○三十四年。覆准。康熙二十八年。至三十二年。太倉等衛運官。掛欠漕米。并本年沿途失風船隻。缺少米石。將本省本幫餘剩耗米。扣收。抵完全欠。令倉場扣收報部。其在通留比弁丁。通行發回。轉行該道。著落欠糧弁丁。補還原主。如有未完。將承追各官。仍照比掛欠

例處分。○四十三年。覆准。糧船抵通掛欠。除押運廳官。督押通省船糧。鞭長莫及。仍照舊例議處外。其運弁督押幫船。是其專責。應嚴定處分。今以通幫糧米計算。如有掛欠不及一分者。責二十。革職。留通。追比一年。如年限內不完。發南追比。追完。還職免罪。不完。杖一百。革職。欠一分者。責三十。革職。留通。追比一年。如年限內不完。發南追比。追完。免罪。不完。杖一百。徒一年。欠二分者。責四十。革職。留通。追比一年。如年限內不完。發南追比。追完。免罪。不完。杖一百。徒三年。欠

三分者。責六十。革職。留通。追比一年。如年限內不完。發南追比。追完。免罪。不完。發附近衛所充軍。欠四分者。責八十。革職。留通。追比一年。如年限內不完。發南追比。追完。仍杖一百。不完。發邊遠充軍。欠五分者。責一百。革職。留通。追比一年。如年限內不完。發南追比。追完。仍徒一年。不完者。絞。欠六分以上者。斬。仍照例籍其家產妻子抵償。如不足。令原僉衙門各官代賠。至旗丁駕運一船。卽以一船糧米計算。如有掛欠不及一分者。責二十。革運。留通。追比一年。如年限內不

完。發南追比。追完。免罪。不完。杖一百。欠一分者。責三十。革運。留通。追比一年。如年限內不完。發南追比。追完。免罪。不完。杖一百。徒一年。欠二分者。責四十。革運。留通。追比一年。如年限內不完。發南追比。追完。免罪。不完。杖一百。徒三年。欠三分者。責六十。革運。留通。追比一年。如年限內不完。發南追比。追完。免罪。不完。發附近衛所充軍。欠四分者。責八十。革運。留通。追比一年。如年限內不完。發南追比。追完。仍杖一百。不完。發邊遠衛所充軍。欠五分者。責一百。革運。留通。追比一

年。如年限內不完。發南追比。追完。仍徒一年。不完者。絞。欠六分以上者。斬。仍照例籍其家產。妻子抵償。如不足。令原僉衛所糧道。監兌州縣。各官代賠。再失風漕船。如有虧欠。事出天災。仍照舊例。不作分數計算。至船糧起交足額之外。原有餘米。聽其回空之時。沿途糶賣。○四十五年。覆准。各丁每年抵通。多有掛欠。嗣後耗贈。漕截等項銀米。暫存糧道倉庫內。俟回空時。倉場查明行文到日。按其掛欠數目。扣抵。倘有不足。將行糧一並扣抵。如交納無欠。照數支給。將前項

扣抵米石。附搭運通。銀兩買米搭運。○四十九年。議准。運官欠四分以下者。照例加一等議處。令其賠完。五分。擬立絞。六分。擬立斬。○又覆准。漕糧運通。甚屬緊要。今漕糧掛欠。由糧道監督押運等官。不親詣水次。眼同兌足。又糧船過淮。總漕不嚴行盤查。以致弁丁受兌之時。任意折銀。或沿途盜賣。嗣後將掛欠不及一分至六分之弁丁。照例分別治罪。其總漕。糧道等官。亦照例。按所欠米石分數議處。并將所欠漕糧。算作十分分賠。總漕。半分。糧道。一分。監兌官。半分。總

押運官。半分。運官。一分半。僉丁衛所官。半分。旗丁。五分半。分賠。令其照例於限內賠完。如不完。交與該部議處。○又覆准。掛欠漕米。原無總漕糧道分賠之例。既令分賠。其米石全完者。亦應加倍議敘。定例內。山東。河南。湖廣。三省漕糧數少。經管糧道。十分全完者。紀錄一次。今改爲加一級。江南。浙江。江西。三省漕糧數多。經管糧道。十分全完者。加一級。今改爲加二級。至總漕。於康熙八年。停止議敘。今既令其分賠掛欠。各省漕糧十分全完者。仍將總漕照例加二級。○五


十一年。覆准。押運同知。通判。抵通。如一次無欠者。加一級。二次無欠者。加二級。三次無欠者。不論俸滿卽陞。一次掛欠者。降一級留任。二次掛欠者。降二級留任。三次掛欠者。降三級調用。仍照例將所欠之米分賠。○五十四年。覆准。倉糧關係緊要。弁丁免其留通。追比。自五十四年起。交糧掛欠旗丁。倉場拏交運官。卽行發南。照四十九年九卿議定之例計算。作爲十分分賠。總漕糧道各官。如限內不完。交與該部嚴加議處。弁丁分賠米石。限內不完。將弁丁照例治罪。承

追之官議處。仍將弁丁不能賠補米石。著落總漕糧道等官賠補。限次年附搭運通。如次年不行搭運。照例題叅。○雍正元年。

諭。漕糧自康熙三十八年。至五十年止。掛欠者。盡行寬免。五十年。至五十八年止。掛欠者。暫停併追。五十九。六十年。六十一。三年掛欠者。如果幾年之內。能一齊賠還。朕亦施恩寬免。如仍延挨不肯竭力。將新舊一併嚴追。○又覆准。押運千總。如一運全完。加銜一次。二運全完。加銜二次。如能三運全完。毫無事故者。從優議敘。卽陞。其江浙。每年積欠

之幫。仍照舊例。二運全完。准其卽陞。至於運弁不職怠惰者。令該督據實查明咨叅。○又議准。漕糧兌完。有餘剩之米。顆粒不許出倉。本衛本丁有欠。准其抵欠。有情願賣與別幫抵欠者。亦准於本倉賣抵。如再有餘剩。令該監督報明倉場。加具印結咨部。差官將坐糧廳及各倉所得茶果銀兩。照數按丁唱名給發。每石粳米。給銀七錢。梭米。六錢。粟米。五錢。如監督積有盈餘。計功議敘。○二年。題准。五十九。六十。六十一。三年。掛欠旗丁。每年。每船。以所裝米石。作為十分計

算。欠一分者。限一年追完。搭運。欠二分者。限二年追完。搭運。欠三分者。限三年追完。搭運。其掛欠三分以上者。再寬限二年完搭。倘限內延挨。不竭力完搭。將該弁丁嚴拏。新舊併追。仍將弁丁從重治罪。糧道。衛備。指叅。聽部議處。



大清會典卷之四十二

文政三

